

REVISTA SITUASAUN MAIU 2015

ASUNTU NE'EBÉ PRESIZA TAU ATENSAUN

- ▶ Númeru insidente violénsia ne'ebé rejista iha Maiu kontinua aas ho total insidente 123
- ▶ Insidente liga ba disputa rai iha Maiu, rejista aas liu no la hanesan fulan sira bai-bain
- ▶ Iha de'it insidente uitoan mak envolve PNTL no F-FDTL iha Maiu kompara ho fulan Abril
- ▶ Grupu Arte Marsiais (GAM) ilegal kontinua operasaun/atividade ho impunidade

NÚMERU INSIDENTE VIOLÉNSIA NE'EBÉ REJISTA IHA MAIU KONTINUA AAS HO TOTAL INSIDENTE 123

Iha fulan Maiu 2015, Belun ho nia programa Atensaun no Responde Sedu (AtReS) halo monitorizasaun ba insidente violénsia no mudansa situasaun ne'ebé hala'o husi ekipa AtReS no monitor kontinua rejista númeru ne'ebé aas ho total insidente hamutuk 123. Númeru ida ne'e aas liu hotu númeru insidente seluk hafoin estabese tiha programa AtReS iha tinan 2009 no kuaze hanesan ho insidente violénsia ne'ebé akontese iha fulan Abril, ne'ebé iha fulan Abril rejista insidente violénsia hamutuk 122, menus ida kompara ho númeru insidente iha fulan Maiu.

Sistema AtReS mós hetan katak, iha númeru estranho (la hanesan baibain) kompara ho insidente sira ne'ebé akontese iha fulan sira antes (fulan 13 ikus) ne'ebé akontese iha:

- Munisipiu Dili - insidente violénsia 47, boot liu númeru médiu (rata-rata) insidente 22 kada fulan
- Munisipiu Aileu – insidente violénsia 7, boot liu númeru médiu (rata-rata) insidente 2.8 kada fulan,
- Covalima – insidente violénsia 7, boot liu númeru médiu (rata-rata) insidente 2.8 kada fulan no
- Manufahi – insidente violénsia 9, boot liu númeru médiu (rata-rata) insidente 4.9 kada fulan

Totál insidente violénsia fulan Maiu 2015	
Distritu	Insidente
Aileu	7
Ainaru	8
Baukau	7
Bobonaru	1
Covalima	7
Dili	47
Ermera	3
Lautein	3
Likisá	9
Manatutu	1
Manufahi	9
Oekusi	9
Vikeké	12
Totál	123

Rezultadu monitorizasaun hetan mós katak, insidente violénsia ne'ebé resulta propriedade hetan estragu hamutuk insidente 31. Númeru ida ne'e konsidera aas liu hotu no la hanesan fulan sira bai-bain.

INSIDENTE LIGA BA DISPUTA RAI IHA MAIU, REJISTA AAS LIU NO LA HANESAN FULAN SIRA BAI-BAIN

Insidente liga ba disputa rai sa'e maka'as liu iha fulan Maiu 2015, ne'ebé hamutuk insidente 31. Iha insidente violénsia 25 mak akontese, tanba hadau malu rai atu halo toos no halai natar, insidente 6 seluk kona-ba hadau malu rai ba uma fatin. Monitorizasaun AtReS mós hetan katak, husi insidente violénsia 31 ne'ebé liga ba rai, iha insidente 6 mak akontese bainhira Ekipa Sistema Cadastral (SNC) tun ba terrenu atu sukat rai. Insidente 6 ne'e, rua akontese iha Aileu no 4 akontese iha Dili. Kronologia insidente; Iha loron 20 Maiu akontese família ida halo ameasa ho katana ba família seluk iha Aldeia Kualaul, Suku Dare, Postu Administrativa Vera Cruz, Munisipiu Dili. Insidente ne'e mosu bainhira família ida lori ekipa Servisu Nasionál Cadastral (SNC) ba sukat rai, maibé família ida seluk mai halo reklamasaun, nune'e hamosu haksasuk malu no ameasa malu ho katana. Momentu ne'ebá lider lokál sira mak halo intervensaun ba problema ne'e. Depois iha loron sábadu: 23 Maiu 2015, lider lokál sira bolu comunidade halo diálogu hodi fahe informasaun kona-ba prosesu sukat rai, ho tempu hanesan atu resolve problema família rua ne'ebé hetan konflitu, maibé la consege simu malu. Planu sei hala'o fali iha 20 Juñu 2015, lider lokál bolu fila fali família rua no comunidade hodi resolve.

IHA DE'IT INSIDENTE UITOAN MAK ENVOLVE PNTL NO F-FDTL IHA MAIU KOMPARA HO FULAN ABRÍL


Iha fulan Maiu 2015, númeru insidente violénsia mós rejista katak, envolvimentu Membru Polísia Nasionál Timor-Leste (PNTL) no FALINTIL-Forsa Defeza Timor-Leste (F-FDTL) iha insidente violénsia sei kontinua akontese, maibé númeru ne'e menus kompara ho fulan Abril. Tuir monitorizasaun, Membru PNTL envolve iha insidente 7 (kompara ho fulan Abril iha insidente 10), enkuantu membru F-FDTL envolve iha insidente 2 (kompara ho Abril iha insidente 5). Dadus mós hatudu katak, atusaun ka intervensaun husi PNTL ba insidente violénsia iha fulan Maiu konsidera menus liu hotu, hamutuk insidente 58 ka 48% husi total insidente 123 bainhira kompara ho fulan sira antes ne'ebé bele atende to'o 63% iha fulan Marsu no 57% iha fulan Abril. Entretantu, ema ne'ebé halo atendentu ba insidente sira ne'ebé akontese mak Lider Lokál, ne'ebé sira halo intervensaun ba insidente violénsia hamutuk 44. Númeru ida ne'e as liu númeru sira seluk.

GRUPU ARTE MARSIAIS ILEGÁL KONTINUA OPERASAUN/ATIVIDADE HO IMPUNIDADE


Maske Governu Timor-Leste hasai ona rezolusaun N.º16/2013 ne'ebé bandu ezisténsia Grupu Arte Marsiais (GAM), PSHT, IKS no KORKA, no iha inísiu tinan 2015 halo ona esforsu oin-oin hanesan halo juramentu ba Membru F-FDTL no PNTL, atu la envolve tan iha atividade GAM ne'ebé taka ona, maibé insidente violénsia ne'ebé liga ba GAM ilegál kontinua akontese nafatin. Iha fulan Maiu, rejista insidente violénsia 7 ne'ebé liga ba GAM ilegál. Tuir monitorizasaun, iha membru GAM balun mak halo sparing (Performa ho hatudu forsa ba malu) ne'ebé akontese durante inísiu fulan Maiu iha área Comoro, Postu Administrativa Dom Aleixo, Munisipiu Dili, ne'ebé ikus mai hamosu asaltu ba membru ida ne'ebé hetan hana ho rama-ambon bainhira la'ó hela iha estrada, no kauza membru ne'e hetan kanek iha hirus matan no lori ba baixu iha Ospital Nasionál Guido Valadares (HNGV) no ida seluk sona husi kotuk.

KARATERÍSTIKA INSIDENTE


Total Insidente: Maiu 2015




Insidente Fatin




Metodu Violensia




Tipu Violensia




See Mak Hahu / Halo Violensia?



Hun no Abut Konflitu




Ema Ne'ebe Hahu Violensia Nia Jeneru saida?




Vitima Nia Jeneru Saida?



See Mak Responde?





ATIVIDADE PREVENSAN NO RESPONDE BA KONFLITU

Atividade Ne'ebé Hala'ó Husi Ekipa Atensaun no Responde Sedu (AtReS)

- ▶ Iha loron 22 Maiu, Rede Prevensaun no Responde Konfliktu (RPRK) iha Postu Administrativu Maubisse, Munisipiu Ainaro, hala'ó apresentasaun relatóriu trimestral no mós preparasaun ba planu asaun Tara bandu ba suku 9.
- ▶ Iha loron 22 Maiu, Belun nia Koordenadór Munisipiu iha Likisá hamutuk ho Polísia Komunitária no Autoridade Lokál, fasilita mediasaun ba kazu baliza rai entre Komunitade, iha Suku Dato, Postu Administrativa Likisá. Rezultadu husi mediasaun ne'e mak komunitade parte rua konkorda hodi tau fali baliza tuir baliza ne'ebé uluk nian no sira mós asina akordu dame. Iha loron 25 no 26, KM Likisá mós fasilita mediasaun ba kazu rua liga ba problema entre família.
- ▶ Iha loron 28 Maiu 2015, iha Gabinete Segundu Komandante Jerál PNTL, iha Caicoli, Dili. Ekipa Belun halo audiénsia ho Segundu Komandante Jerál PNTL Komisáriu Faustino da Costa, hodi fahe informasaun liu husi Programa Atensaun no Responde Sedu (AtReS), hodi fahe rezultadu monitorizasaun ba insidente violénsia no mudansa situasaun seguransa iha Timor-Leste. Alende ne'e atu hametin kooperasaun PNTL ho Belun iha nivel nasonál no nivel munisipiu 13. Audiénsia ne'e halo.



- ▶ Iha loron 28 Maiu to'ó 3 Juñu 2015, Rede Prevensaun no Responde Konfliktu (RPRK) iha Postu Administrativa Hato-udu, Municipiu Ainaro, implementa atividade dame kona-ba sosializasaun lei Tara bandu iha suku Leolima aldeia 11, no mós tau poster kona-ba lei Tara bandu iha didin lolon Sede Suku Leolima no Sede Suku Foho-ailliku.

Atividade Ne'ebé Hala'ó Husi Ekipa Mediasaun no Rezolusaun ba Disputa (MRD)

- ▶ Iha loron 21 no 22 Maiu, ekipa LMRD halo aproximasaun ba disputante na'in 8 iha Suku Tirilolo, Postu Administrativa Baucau hodi fó korajen no haforsa mekanizmu ba rezolve disputa rai. Rezultadu husi aproximasaun ne'e mak disputa sira hato'ó ba ekipa katak sira deside atu lori disputa ne'e ba tribunal hodi rezolve tuir dalan legál.
- ▶ Iha loron 28 Maiu, ekipa MRD fasilita mediasaun ba disputante disputa rai ida iha postu Administrativa Maliana. Liu husi mediasaun ne'e disputante sira konkorda malu no asina akordu hodi fahe rai disputa ne'e ba divizaun rua (parcela 2). Mediasaun ne'e realiza liu husi koordinasaun no kooperasaun entre Belun ho DTPSC Bobonaro no Autoridade Lokál.

KONA-BA REVISTA NE'E

Revista situasaun ne'e relata kona-ba asuntu xave relaciona ho insidente violénsia no tendénsia konfliktu husi koleasaun dadus monitorizasaun liu husi Sistema Atensaun no Responde Sedu (AtReS), ne'ebé kobre iha postu administrativu 43, suku 208, husi Postu Administrativa 65 iha Timor-Leste durante Maiu 2015. Belun esforsu atu fahe informasaun ne'ebé up-to-date no serteza ho dadus atuál. Hanoin katak, bele hetan mudansa situasaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dadus ne'ebé ami iha liu husi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Espesialista Prevensaun Konfliktu & Polítika: laurensius.belun@gmail.com